

Pelajar UMS anjur lawatan budaya ke Mari-Mari

UB 22.2.2018 B8

SERAMAI 30 pelajar Non-resident Universiti Malaysia Sabah (UMS) menyertai lawatan budaya ke Mari-Mari Cultural Village, Kionsom Inanam pada Selasa.

Program lawatan itu dikendalikan oleh Jawatankuasa Kebajikan Mahasiswa Non-Resident (Jakmas) UMS yang diketuai oleh Alif Muazzam selaku pengarah program.

Lawatan itu bertujuan menjadi wadah bagi

perkongsian maklumat tentang pengetahuan sejarah, budaya dan tradisi etnik pribumi Sabah yang tidak diketahui oleh setiap masyarakat.

Menurutnya, program lawatan itu diyakini dapat membantu pelajar meningkatkan pengetahuan mengenai budaya yang ada di Sabah dan dapat mempelajari sesuatu yang baharu.

“Lawatan ini sangat bermanfaat untuk menambah

pengetahuan pelajar terutama sekali daripada pelajar antarabangsa yang turut serta dalam lawatan pada kali ini.

“Terdapat budaya yang sudah tidak diamalkan lagi pada masa kini namun masih dipaparkan di sini dapat menimbulkan perasaan untuk lebih menghargai budaya kaum masing-masing,” katanya.

Antara rumah budaya yang mereka kunjungi ialah rumah Dusun, Lundayeh, Murut



PELAJAR Non Residen UMS bergambar di Kampung Budaya Mari-Mari.



PELAJAR Non-resident yang menyertai Lawatan Budaya ke Mari-Mari Cultural village, Kionsom Inanam.

dan Bajau, iaitu antara etnik terbesar dan mempunyai populasi terbanyak di negeri Sabah.

Mengulas objektif program lawatan itu, Alif Muazzam memberitahu ia memberi pendedahan lebih mendalam

mengenai sesuatu budaya agar pelajar dapat mengamati adat-adat dan dijadikan sebagai panduan dari segi kehidupan atau akademik bagi mereka pada masa akan datang.

Selain itu katanya, ia turut memberi pendedahan

kepada pelajar mengenai bagaimana organisasi menayakan sesuatu program serta memupuk semangat bekerjasama dan dapat mengeratkan lagi hubungan sesama pelajar.

“Diharapkan agar

program lawatan ini dapat memberikan sesuatu yang positif kepada pelajar dan semoga program sebegini dapat diadakan lagi pada masa akan datang,” katanya.

-Oleh ABD NADDIN HJ SHAIDDIN